

## **Beograd, 17. Oktobar 2017. Koktel - Godišnji skup EWB International**

Uvažene ekselencije, predsjedniče Kovačić, dragi članovi EWB, poštovani gosti, dame i gospodo...

Pošto je ovo danas naša svečanost, sa velikom toplinom u srcu imam čast i posebno zadovoljstvo da pozdravim sve uvažene članove organizacije East West Bridge International i drago mi je da vas vidim u ovolikom broju. Želim da pozdravim ovaj skup i u ime svih članova iz Bosne i Hercegovine koji nažalost zbog neodložnih obaveza danas nisu mogli biti fizički sa nama, ali budite sigurni da oni to jesu u svojim mislima i upravo sada misle o nama...

Ukratko u nekoliko rečenica, kako je to sve počelo kod nas u BiH?

Prije otprilike dvije i po godine razgovarao sam ovdje u Beogradu sa čelnim ljudima EWB-a, predsjednikom Jovanom Kovačićem, g. Tahiom Hasanovićem, g. Aleksandrom Nikolićem o planovima širenja East West Bridg-a na druge zemlje, prije svega na Bosnu i Hercegovinu. Razumljivo, jer bila bi to zaista velika šteta da se ovako sjajna i velika ideja ne širi dalje... Načelno smo se tada složili o tome da ćemo kada dođe vrijeme to i uraditi.

Konačno 11. decembra u Rimu u Italiji bio sam prisutan, kada smo tamo otvarali ogranak EWB Italija. Bilo je to veoma uspješno, i tada je odlučeno;

ja sam dobio priliku i mogućnost da kao svojevrсни selektor napravim ovaj ogranak i u BiH. Naravno bio sam veoma srećan i potpuno svjestan budućih potencijala ove organizacije, ali sa druge strane znao sam da preuzimam nimalo lak zadatak, jer trebalo je to napraviti na prostoru cijele Bosne i Hercegovine, što je naravno jedino i ispravno.

Ubrzo, već sam razgovarao sa nekolicinom ljudi u BiH i tako je sve krenulo da se odvija relativno brzo. Imao sam čast i veliko zadovoljstvo da nam se odmah pridružio naš bivši Ambasador Jakob Finci koji je izabran na dužnost prvog predsjednika EWB u BiH, potom čuveni bankar i jedan od utemeljitelja Raiffeisen banke u BiH g. Zdenko Mihajlović danas - 1. potpredsjednik, potom doktor pravnih nauka, profesor i ugledni advokat iz Sarajeva g. Kenan Ademović - 2 potpredsjednik, i moja malenkost danas Predsjednik UO EWB u BiH.

Dakle mi smo i pravno i formalno preuzeli dužnost osnivača i budućeg predsjedništva EWB u BiH.

Već u februaru 2016. god. Predsjednik Kovačić posjetio nas je u Sarajevu a mi smo i zvanično počeli registraciju ogranka u BiH. Danas sa ponosom možemo reći da se u našim redovima nalaze mnogobrojni ugledni stručnjaci iz različitih oblasti, a među njima su neki sadašnji i bivši ambasadori, ministri, rektori univerziteta, profesori, ljekari, inženjeri, istaknuti članovi društva njih preko 70. Radimo u harmoniji a i dalje popunjavamo redove. Formirali smo i radne grupe u 14 oblasti i počeli sa radom. Takođe, okupili smo i više nevladinih organizacija koje su nam se pridružile, kao i akademija nauka u BiH. Idemo i dalje jer smo stvorili platformu na kojoj se okuplja i ukрупnjava civilno društvo...

Vjerujem da smo sada na dobrom putu a pred nama su danas već nacrti budućih ozbiljnih i velikih projekata, koji naravno uključuju i regionalnu međugraničnu saradnju, prije svega u zemljama zapadnog balkana a potom i šire, moguće na sve kontinente.

U međuvremenu smo 21. novembra prošle godine imali svoju prvu svečanu osnivačku skupštinu gdje su nam kao gosti bili mnogobrojni ambasadori i predstavnici javnog i društvenog života. Među gostima posebno želim da istaknem i naglasim pored članova predsjedništva EWB INT i Trilateralne komisije g- Kovačića i Aleksandra Nikolića kao poseban gost u Sarajevu bio je i direktor Europske grupe Trilateralne Komisije g-din Paul Revau koji je tada pozdravio naše osnivanje i izrazio punu podršku u budućem radu East West Bridge u cjelini kao bitnog faktora koji treba da utiče na stabilizaciju prilika, bude važno savjetodavno tijelo svim institucijama državne službe i da u vremenu koje je pred nama bude svjetionik.

Danas kada pogledamo naše članstvo iz preko 60 zemalja svijeta, potpuno sam uvjeren da zajedno u sinergiji možemo ostvariti i velike ciljeve koje sebi zacrtamo, na opšte dobro svih građana u našim zemljama...

I na kraju ovim završavam, nadam se da ćemo slijediti dobre i pozitivne primjere ovdje iz Srbije i u drugim zemljama, gdje je članstvo East West Bridge do sada dalo više ministara u Vladi, državnog sekretara pa čak i premijerku Vlade Srbije.

U to ime želim vam svima puno zajedničkih uspjeha, East West Bridge BiH stoji vam na usluzi, neka nam je srećno, živi i zdravi bili...

Robert Jovanović  
Predsjednik Upravnog Odbora EWB u BiH